

Supervizor za Brčko razgovarao sa Transparency International o pitanjima korupcije



Supervizor za Brčko Raffi Gregorian sastao se danas u Brčkom sa Srđanom Blagovčaninom, izvršnim direktorom i Ljubinkom Lekovićem, pravnim savjetnikom u Transparency International.

Predmet sastanka bili su pitanja korupcije i mandat BiH Transparency International u Bosni i Hercegovini. Supervizor Gregorian je pohvalio njihov rad, naročito rad u projektu Program partnerskog građanskog zastupanja koji se bavi problemima korupcije i nedovoljno transparentne i neodgovorne državne uprave i izrazio je nadu da će nekim od njihovih budućih projekata biti obuhvaćen i distrikt Brčko.

Gregorian je dodao da su građani Distrikta svjesni postojanja korupcije u njihovim lokalnim strukturama vlasti ali su nemoćni da joj se suprotstave zbog toga što sektor nevladinih organizacija u Distriktu nije razvio mogućnosti da se ova pitanja istraže i riješe. Međutim, uspostavljanjem Kancelarije revizora i Pravobranilaštva sada se pruža dodatna zaštita za interese građana u okviru javne uprave.

“Građani očekuju da se supervizor pozabavi korupcijom, međutim, supervizor može da ispravi samo systemske i krajnje očigledne individualne propuste. Zbog toga podstičem organizacije poput BiH Transparency International da budu prisutne u Distriktu, tako da građani budu u mogućnosti da uzmu stvari u svoje ruke zadugo nakon završetka supervizije”, rekao je supervizor Gregorian.